



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 47. Philippi Melanchtonis obitus.

[urn:nbn:de:hbz:466:1-66800](#)

Sæc. XVI.
A.C. 1560.

mines, qui in ejus ædibus hanc Blasphemiam divulgabant, errorem admitti ab eo, qui credit, quod tres Sanctissimæ Triadis Personæ sint æquales, cum juxta eorum doctrinam duntaxat circa hunc articulum sit tenendum, quod unus, solus detur Deus, qui est Pater, unus solus Filius Dei, & unus Spiritus Sanctus.

§. XLVII.

Philippi Melanchtonis obitus.

Thuan. hist. sub finem l. 26. **D**ie decima nona Aprilis hoc eodem anno Philippus Melanchton, cuius jam frequens occurrebat mentio, Wittembergæ sexagesimo quarto ætatis suæ anno vivis ereptus est. Is Bretæ, seu Brettini inferioris Palatinatus ad Rhenum oppido die decima sexta Februarii Anno Christi millesimo quadragesimo nonagesimo septimo natus erat, ac Patrem habuit Georgium Schwarzerd, qui apud Principes Palatinos armamentarii curam gerebat, Matrem vero Barbaram Reuchlin, quæ celebris Joannis Reuchlini, Capnion dicti, Soror erat. Ceterum quamvis Melanchton Anno Salutis nostræ millesimo quingentesimo decimo octavo omnines Lutheri errores ratos habuisset, nunquam tamen ulla ætas Virum in Religionis rebus magis eo inconstans

Spond. hoc ann. n. 31.
Sander.
hæres. 188.
Camerar. in vita Me- lancht.

Sæcul. XVI.
A.C. 1560.

tem tulit; quippe circa nonnullos arti-
culos Zwinglii, circa alios vero Calvini
opinionibus adhærebat, & circa plura
dogmata incredulus, aut circa ferme o-
mnia summopere dubius extitit, qui-
nimo circa vitæ suæ finem, cum in no-
va reformatione nullam omnino servari
moderationem cerneret, aliunde vero
pertimesceret, ne scandalosa, quæ in spu-
ria hac reformatione servebant, dissidia
augeret, ferme nihil amplius nisi verbis
omnino vagis, quæ ad cujusvis arbi-
trium inflecti possent, de sectæ suæ du-
biis proponere audebat; Sacramenta-
rii enim ab illo multum differebant,
Lutheri autem asseclæ unaomnes ubi-
quitatem adoptabant, ac ipse etiam
Bréntius, qui tamen ex Lutheranis cum
illo plene consentientibus ferme solus
supererat, etiam ceteris adhærere cæ-
perat: equidem cupiebat Melanchton
mentem suam prodere; ast quid diceret,
non ei occurrebat, eoque illis rebus,
quas ipse veras censebat, ab omnibus
resisti cerneret, unde non raro dicere
solebat: „Veritatem plene explicare
„non possum in illa patria, in qua mo-
„ror: cum id non toleraret Princeps,,
sæpe etiam subjungebat,, eloquerer ve-
ritatem, si a Principibus non prohi-
berer. Peucerus etiam ejusdem Ge-
ner, cum summa ingenuitate hæc gesta

Hist. Eccles. Tom. XLIII. Rr en-

Sæcul. XVI. ennarrans refert, quod Melanchton tanto-
A.C. 1560. pere ubiquistis exosus fuerit, ut quadam die Chytræus hujus factionis studiosissimus Melanchtonem e medio tollendum esse asseruerit, eo quod hic eorum consiliis continuo obsisteret: Ipse met quoque Melanchton in quadam ad Electorem Palatinum epistola, cuius meminit Peucerus, hæc scripta reliquit:

„Nolo amplius disputare contra illos,
 „quorum crudelitates jam in me exper-
 „tus sum. „ Percipiamus ea, quæ pauci-
 cis ante obitum suum mensibus per-
 scripserat. „ Ah! inquit Peucerus, quo-
 ties, quantisque singultibus Melanch-
 ton mihi exposuit rationes, quæ ipsum
 „absterrebant, ne intima suarum opi-
 „nionum palam faceret? „ O miseram
 illius conditionem, cum nullibi nec pa-
 cem, nec veritatem, prout eam ipse
 comprehenderat, reperire posset? Re-
 cessit is a veteri Ecclesia, cuius tamen
 prærogativa præ ceteris erat, quod ipsa
 sola continuam ab omnibus præteritis
 sæculis successionem haberet: Ecclesia
 vero Lutherana, quam ipse unacum Lu-
 therò erexerat, solumque veritatis asy-
 lum fore censebat, jam in Ubiquistarum
 monstrum, quod ipse detestabatur, de-
 generabat: Denique Sacramentariorum
 Ecclesiæ, quas ceteris puriores post Lu-
 theranas existimabat, aliis plenæ erant

errori-

erroribus, quos ipse omnino tolerare ^{Sæcul. XVI.}
non poterat, ac in omnibus fidei suæ
confessionibus damnabat: equidem in
Wittembergensi Ecclesia magni habitus
videbatur: verum cæco complacendi
studio, cui tanquam mancipium sœva
servitute addictus erat, prohibebatur, ne
libere, quicquid in mente sua fovebat,
ediceret, quibus animi anxietatibus con-
fectus miseram suam vitam absolvit.

Ceterum varia opuscula tam litera-
ria, quam dogmatica reliquit, ac præ
ceteris composuit apologiam contra Pa-
risiensium Doctorum censuram, cui hunc
titulum præfixit: *Adversus furiosum Pa-
risiensium Logastrorum Decretum.* II. Con-
cinnaverat etiam Confessionem Augu-
stanam, ejusque solertiæ in acceptis
referenda est Naucleri editio Tubinga-
na; nam prius hujus Scriptoris opus
nil nisi indigesta fuit congeries chronico-
rum, & fabularum, quæ unacum historiis
ordine sane perturbato congestæ erant,
eas tamen Melanchton sedulo expur-
gans, rerum gestarum selectum fecerat,
cunctaque in ordinem redegerat, adeo,
ut hic liber merito Melanchtonis
opus dici valeat, quamvis tunc non-
nisi vigesimum ætatis suæ annum ex-
plessit. III. Reliquit etiam volumen
sat amplum epistolarum, quæ ad diver-
sos scriptæ plura gesta novam Proto-

R r 2 stan-

Sæcul. XVI. stantium sectam concernentia comple-
A.C. 1560. etuntur: præterea jam alibi retulimus

duodecim illos articulos, quos ad Fran-
ciscum I. Franciæ Regem transmiserat.
Fertur, quod is, cum a Matre sua, quæ
anno millesimo quingentesimo vigesimo
nono mortua est, quadam die inge-
nue fateri fuerit rogatus, quænam reli-
gio ceteris melior esset, ipse responde-
rit, novam esse magis acceptam, anti-
quam vero magis securam. Porro ex
sua uxore Catharina Crappa duos filios,
totidemque filias suscepit, earumque
prima nomine Anna nupsit Georgio
Sabino Brandenburgico Poetæ apud
Germanos celeberrimo, quem etiam
Bembus, & Contarenus magni ha-
bebant.

§. XLVIII.

Centuriatores Magdeburgici in lucem editi.

*Caspar.
Sagitt. in-
troducit. in
Hist. Becl.
p. 279.*

Denique hoc anno ex tredecim Mag-
deburgicis centuriis quarta edeba-
tur; tres enim primæ jam Anno priori
millesimo quingentesimo quinquagesimo
nono, ceteræ vero sequentibus annis
usque ad annum Domini millesimum
quingentesimum septuagesimum quar-
tum, quo decima tertia prodiit, publi-
cam lucem aspexerunt. Hoc opus est
collectio Historiæ Ecclesiasticæ, quam
nonnull.